

Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

8. Stupenda Dei misericordia S. Gertrudi ostensa.

urn:nbn:de:hbz:466:1-45653

periorem: *Paratus sum, Carpe, iterum, pro saluandis hominibus, pati: & istud mihi gratum est, modò non alij homines peccent. Tu autem, in spice, an tibi vtile sit, illam cum serpentibus mansjonem preferre Dei, ac bonorum clementiumque Angelorum consortio. Hac visione monstratur, quàm longè Dei Iudicia, Iudicijs hominum sint mitiora.*

VIII.

Profectò si Deus hominibus suam iudicariam potestatem traderet, si non omnes, saltē longè plures quotidiū ad Orcum mitterentur. Non illi orarent, pro ijs, à quibus lāduntur, non eis se se amabiles, sed feros, sed truces, sed truculentos exhiberent.

*Apud Lud. Blos. Monil. spir. cap. 1. Alius est Deus, qui S. Gertrudi hæc aliquando dixit: *Vulissimum foret, homines scire, & in memoria semper habere, quòd ego Virginis Filius, pro salute eorum aſto ante Deum Patrem: & quandocunq; ipsi ex humana fragilitate delinquunt corde suo, offero pro eis Deo Patri cor meum immaculatum, in emendationem. Quando vero offendunt opere, exhibeo manus meas perforatas: Et ita in quibuscumq; delinquunt, statim innocentia mea placito Patrem, vt illi pénitentes facilem semper obtineant veniam peccatorum.**

*Hoc non facerent homines, aut certè rarissimi sunt, coque magis laudandi, qui imitantur. Et si vel maximè imitantur, quantum non sentiunt, in animo, luctam? quas pugnas non experiuntur? Deus autem quàm Bonus sit, ex eadem Virgine Gertrude intellige. Audierat illa aliquando, pro concione, *Neminem posse salutem consequi, nisi saltē tantillum veracharitatis habeat, ut ex amore Dei péniteat abstineatq; à peccato: ipsa apud se cogitabat, plurimos migrare ex hac vita, qui videntur péniteremagis timore geberne, quàm Dei amore.* Talia voluenti Benignissimus cælestis Pater, in hunc modum, respondit: *Quando video illos agonizantes, qui mei unquam dulciter recordati fuerunt, vel aliquid meritori operis peregerant, in ipso mortis confinio, exhibeo eis me tam pium, amabilem, & benignum, ut ipsi ex intimis cordis medullis doleant, quod unquam me offenderint: ac per talē pánitentiam apti redduntur ad salutem consequendam, & perire non possunt.**

Hæc vera esse, in cælo videbimus, & Iudicia Dei amore, misericordia, benignitate permista agnoscentes, clementiam diuinam æternū cantabimus. Nunc satis est intelligere, quàm mitem etiam in hostes Dominum habeamus. Mirati sunt olim Fauorinum homines, quòd cum Imperatore simultatem gerens viueret: ô quàm multi viuunt, & æternū viuent, qui gerunt cum Deo simultatem! sed, eo miserrante, resipiscunt, Tantus amor Creatoris, tanta Numinis misericordia!

Blos. Ibid.

ratio. Nam si viscera sua, ipsūmque suum Vnigenitum Christum
in nos effudit, cum adhuc conciliati non essemus, dicente Zacha-
ria: *Per viscera misericordie Dei nostri, in quibus visitauit nos oriens* *Luc. 1.3.*
ex alto; cur eādem misericordiam suam retraheret, postquam
nos morte sua suos fecit? Nam, teste Paulo: *Commendat Deus Rom. 5. 7. 8.*
Charitatem suam in nobis, quod cum inimici essemus, Christus pro no-
bis mortuus est: multo igitur magis nunc iustificati in sanguine ipsius,
salvi erimus ab ira per ipsum.

C A P V T VII.

*Miseria non videntium, & fructus videntium Deum
omnia videntem.*

Cum aliquando Christus ab Hierichunte non procul
abesset, cæcus, qui in via stiper collegat, in- I.
telleixeratq; ex turba Dominū comitante, quis tran- *Luc. 18. 35.*
siret, contentissimā voce clamauit, dicens: *I E S V Fili*
Dauid miserere mei. Et qui praibant, increpabant eum,
ut taceret. Ipse vero multo magis calmabat. Quasi calcar, non fræ-
nūm; immō, quasi non aquam, sed oleum flammæ addidissent,
ita non modō non compescuerunt clamantem, sed etiam prohi-
bendo magis incitauerunt. Cur cæcus increpatione non passus
est se emendari, cum alioqui homines à nulla non re abstineant,
reprehensi? Sensit nimirum, quantum sit malum in cæcitate, quan-
tumque bonum in vsu oculorum. Maluit igitur reprehendi, quām
cæcus manere. Nil cæco miserius, clamant cæci. Raphaël ad cæcum *Tob. 5.11.*
Tobiam ingressus salutauit eum, & dixit: Gaudium tibi sit semper. Et
ait Tobias: Quale gaudium mihi erit, qui in tenebris sedeo, & lu-
men cali non video? Sic cæcitas omnia facit amarescere, atq; ipsum
gaudium vertit in luctum. Nil cæco lumen, nil dies, nil ipse Sol
prodest. Palpat, & offendit ad omnes parietes. Vbique tenebras
patitur; omnia sunt illi caligo: sit meridies licet, tamen ille no-
ctem in oculis circumfert. Non illum in hortis flores, non viror-
graminum, non purpuræ fulgor oblectat: atra, apud eum, &
mæsta sunt omnia; ac quamuis sit in Paradiso, in Tænaro sibi ver-
fari videtur, & in ipso Acherunte. Quid multis? fortissimus ille
tot victoriarum numerator Samson, postquam oculos amisit,